

D.



59681

kat.komp



Mag. St. Dr.

P

Martyr

Teol. 5078.

Krobski Francisii Loci Vindex Christianae

Libertatis D. Catharina Virgo et Martyr.

Biblioteka Jagiellońska



stdr0001640

✠
IN NOMINE DOMINI, AMEN.

VINDEX
CHRISTIANÆ LIBERTATIS,

D. CATHARINA
VIRGO & MARTYR,
Recurrente Annuâ suæ Festivitatis die,

in Ecclesia Patrum

EREMITARUM

S. AUGUSTINI.

Casimiræ ad Cracoviam,
EIUSDEM NOMINI DICATA;

~

M. FRANCISCO JOSEPHO KROBSKI,

*In Alma Universitate Studij Generalis Cracoviensis,
Philosophiæ Doctore, & Professore,*

Cultu Panegyrico

CELEBRATA.

Anno Assertoris CHRISTI, 1698. 25. Novembris.

Permissu Magnifici Domini

RECTORIS.

CRACOVIAE Typis UNIVERSITATIS.

IN GENTILITIVM INSIGNE,
Inclytæ Familiæ BIENIECCIANÆ.



59687 III

Scindit cæruleum NAVIS BIENIECCIA pontum,
Remis & velis cur tamen illa caret?
Remigium præstat pietas, cor carbasa pandit
Magnanimum, Zephyros providet ipse DEUS.
Prospera sic vincit Neptunia regna CARINA
Auspice & obstantes Numine scindit aquas.

JOSEPHUS SOKOŁOWSKI,
Pœseos Auditor.

ILLVSTRI, MAGNIFICO, ac GENEROSO DOMINO,
D. FRANCISCO FLORIANO

JN BIENIADZICE

B I E N I E C K I,

PINCERNÆ ZYDACZOWIENSI, CAMERARIO FINIUM REGUNDO-
RUM TERRÆ RADOMIENSIS, BURGRABIO & JUDICI
TRIBUNALIS DOMINII ZAMOSCANI, &c. &c.

Domino Patrono & Mecænati Amplissimo.



Non pretiosas Colchidis exuvias, aut divites Arabum Brasili-
dumque gazas, sed omnium virtutum ac scientiarum nobilissimum
Cimeliarchion, Palladem Christianam, contra vesanam Ethnici furoris
Gigantomachiam, Orthodoxa libertatis VINDICEM, DIVINISSIMAM
CATHARINAM, triumphali Tua ingero NAVI. Illustris, ac Magnifice,
Domine & Mecænas amplissime Quippe ubi hac Tyrannorum Do-
mitrix invictissima, cum suis, post exactas Victorias, & triumphos laureis, quasi ad
statiua devertens magnificentiis, honorique suo convenientius retinitorium inveni-
ret, quàm in Tua Gentilitia CYMBA? qua non unius tantum Caesaris fortunam, sed
Regni huius amplissimi, dirigentibus illam peritissimis Maiorum Tuorum Navarchis,
Maiestatem, feliciter vexit, & cum celeusmate triumphali, ad portum felicitatis de-
duxit. Bene exploratum est Reipublica nostra centoculis Argis, & potissimum inclitis
Sandomiriensis Palatinatus Proceribus, quomodo sub auspiciatissimo Gentilitiorum Side-
rum, in suo Polo radiantium aspectu, per tot saculorum trieterides, Argo hac, invictos
Antenatorum Tuorum lasones, aureo consilij & bellica virtutis vellere opulentos, ad
invidiam usq. solis exorici exhibuit. Quorum equidem dulcem Mnemosynen facere,
& mihi opera-pretium esset; nisi perbelle scirem Te ipsum Maiorum Tuorum ectypum
esse, & inpectus Tuum congestas Aborigenum BIENIECCIORUM, cum exactissimis vir-
tutum lineamentis imagines, tanquam in Pantheone. resplendere. Nempe Tu ipse
Magnifice Domine, non tantum generis, sed etiam probitatis avita ex asse Heres,
Patritios honores, & Panegyres, aeternum celebrandis Tuis Fabijs debitas, meritò Tibi
vendicas. Ea certè placidum & ingentium capacissimum ingenium Tuum, quod in Ar-
chilyceo Jagellonico, Cleanteis excoluisti vigilis, urget acrius animum meum, ut En-
cyclopadiam scientiarum, & limatioris iudicij Colophonem, si non dignis elogijs celebra-
re; saltem clientali obsequio valeam venerari, imò veriùs admirari. Sed praripit for-
tior Bellona palmam, que Te à Castris Minervæ, heroicis illectum operibus, contra ho-
stes Reipublica velut contra Carthaginem Scipionem ordinavit. Vidit potentissimus
Mauors Polonus, inter fluctus bellorum, tempestatesque sonoras, inter debacchantium
nostrisque fortunis inbiantium Piratarum Classès, Gentilitiam NAVEM Tuam, feli-
cissimis victoriarum Fauonjs sospitatam, ad patrium littus, non sine spolys immortalis glo-
ria redysse. Unum pro cunctis fama loquatur opus, eximia Tua in Patriam chari-
tatis & constantie, quam inter fatales Orbis nostri ruinas, Marpesiâ caute firmior,
impavidua & intrepidus servasti. Nempe dum ab Aquilone panderetur omne malum,
& Finnicus ille cataclysmus, celsiores etiam montes, hoc est mentes magnorum Civium
obrueret, & saculum Pyrrhæ in Polonia renouaret, Tu Gentilitiam CYMBAM meliores
servans in usus, inter tot pericula, & adversos Æolos, non tantum securam, sed eti-
am victricibus palmis Onerariam demonstrasti. Unde non invidemus Lucullo devicto
Mitridate laureatas naves, quas velut nuntias victoriarum, Quirinam transmisit in
Urbem, cum Tua triumphalis CARINA, Castrensibus, Muralibus, Obsidionalibus & Ci-
vicis Coronis, ad stuporem usque omnium ornata, optata felicitatis, Te ipsum exhibu-

erit. Pa-


erit Patria. Feciale. Neque miramur tantam virtutem Principibus placuisse viris, & ad magna quæq; gerenda applicatâ, magnetica quadâm vitorda & animos, in sui amorem & peculiarem respectum illexisse. Mens Tua placidissima calique amula sereni, niueus omnemque excludens fucum pectoris candor, mascula in agendis summis quibusq; negotijs activitas, & quam vel ipse veneraretur Cato prudentia, non vni Alexandro Te Ephestionem adiunxit. Huius eximij dotibus, Serenissimis Regum Maiestatibus commendatus, probata documenta virtutis in publicis Commissionibus Orbi Polono exhibuisti. Suscepit hanc mentis Tua celsitudinem magnus ille SKARSZEWIUS, qui Te velut manum dextram, lustrandis Regalibus Bonis sibi adiungens, Oeconomia Samboriensis Moderatorem substituit. Porro munus hoc summâ dexteritate gestum, quantos Tibi in Republica pollicebatur honores, imò presentes offerebat, omnium bonorum conscientiam, quibus integritas Tua, magis quam Aristidis Athenis nota est, appello. Caterum cum inter ingentem Virtutum Tuarum Syllabum, modestia principatum teneat, summum honorem arbitrari, non ambire honores. Equidem rarior Phanice probitas hac, eò Te compulit, ut vix mediocres quas vltro Tibi perspicax bene meritum Genus obtulit, & quibus hodie summâ cum laude fungeris, acceptaueris. Hoc privati boni fastidium, publici verò ingens pretium, appendens olim in statera animi sui, Heroici Sanguinis apex & Corona ZAMOSCANÆ Familiae vnio, & oculus Republica, ILLUSTRISSIMVS & EXCELENTISSIMVS DOMINVS MARTINVS in Zamoście ZAMOTSKI M. Thesaurarius Regni, ut Ordinem in Ordinatione sua faceret, & amussimè exactiorem, Te negotij tanti Consummasti. In Te tanquam Alciden, Atlas ille, gerendorum molem & grande Domus sue depositum deponi voluit, ut si ille fati cedere cogoretur, Tu mentis illius Praestes, curarum & Tutela, non modico ponderi, probatos humeros sufficeres. Et certè Tripode veriùs eam felicitatem, quam hodie Dominium Zamoscense experitur, summus ille virtutum Æstimator ex Te sibi auguratus est; cum ne hostis quidē quidpiā in Te habeat, quod Zoilivæ rabie proscindere, & atro malevolentia calculo notare queat. Si enim in summo Domini Zamosceni Tribunali, aurea edicta Te ferentem auscultauerit; integerrimam Areopagitam stupebit. Si adhibitam omnem diligentiam in conservandis augendisq; Bonis Ordinationis, sincero oculo prospexerit, si deniq; suauissimam omnium rerum dispositionem, sedulâ indagine mentis perpenderit, Viros autoritate, Sapientiâ, iustitiâ, aqutate, & non vulgari peritiâ Tui similes, ut secururis nascentur seculis, alto votorum anhelitu exoptabit. Hoc idem notavit in Te SERENISSIMVS, INVICTISSIMVS, & POTENTISSIMVS rerum nostrarum STATOR, AUGUSTUS SECUNDUS Poloniarum REX; hodie auspiciatissimè nobis imperans, dum vni cum gratissimo Hospite Magno Moschoviz DVCE, & Monarcha Colligato, ab Exoticis Regionibus redeunte, Munitionem Zamoscensem, unicum Roxiaca gentis decus & presidium, praesentiâ suâ desideratissimâ invisens & exhilarans, graviora negotiorum momenta, & arcana, Te mediante expediri voluerit. Hoc probant & deprecant publici nobilium Conveniunt, in quibus efficacissimo consilio, & disertissimâ Suadâ Tullium agis. Quare non succensibus imbecilli ingenio meo, MAGNIFICE DOMINE; quod Clarissimi Parentis mei exempla secutus, Te summum Literatorum Mecanatem e voto decreverim venerari. Ipsa Divinior Minerva nostra, CATHARINA Virgo, quam à Te impensius cultam esse, non sum nescius, adiutum mihi ad Te paravit. Cuius patrocinio & efficacissimo interuentu ut longævus, candidos viuas sine nube dies, & Bono Publico, Nobisq; diutissimè superstes fias, omni incolumitate, gratiarum Diuinarum auxesi, omnium Bonorum & honorum, qui meritis Tuis amplissimis debentur, affluentia cumuleris, ex animo voueo, Magno Honori & Nomini.

ILLUSTRIS, MAGNIFICÆ ac GENEROSÆ
 DOMINATIONIS VESTRÆ

Devinctissimus Servus & Cliens.
 M. FRANCISCUS JOSEPHUS KROBSKI, Ph. D. & P.

V I N D E X

CHRISTIANÆ LIBERTATIS.

Um multa divinitus, ad fastigium gloriæ, ipsis Intelligentijs cœquandum, generi humano concessa sint; tum nihil augustius datum est, Privilegio libertatis. AA. Inæstimabile namq; donum est suum fieri: par Superis dignitas habere potestatem vivendi ex animi sententia. Neque excellentiorem prisca Orbis prudentia; ipsi Divorum Imperatori Iovi, attribuit Maiestatem; quàm quòd rerum omnium momenta, sui beneplaciti liberis legibus temperaret. Non posuit inter tanta miracula, vetusti ævi genius, Solis Lunæque necessarios labores, Siderum incessabiles gyros, Orbium Cælestium stupendas dispositiones, alterno recurso, novam telluri faciem induentes anni partium vices, generationum varietates, & hoc Vniversi pulcherrimum theatrum; inter quanta prodigia censuit animum humanum, nullâ necessitatis lege adactum, suo consilio desuper relinqui, & tanquam Semideum, pro arbitrato suo, seriem negotiorum moderari. Et certè, noverat perbellè divinitatis ectypus, mortaliū animus, hanc suæ dignitatis celsitudinem, dum eam pari cum vita pretio æstimaverit. Vidit Orbis huiusmodi libertatis Assertores, quibus totus effusus pro libertate Ganges, vilior algâ fuit. Calcabant triumphali planta, à Pyrrho oblatas Arabum gazas, & quas Persis ministrabat opes, velut irritamenta malorum, generoso animo contemnebant digni immortalibus fastis Fabricij, cùm illis in mentis statera appensa libertas, ingens addiderit pondus. Heroum genus Camilli, Scipiones, Marij, Fabij, magnitudinem Nominis sui seculis memorandam, pretiosissimæ libertatis propagatione extenderunt. Quid multis? tantus libertatis amor pectoribus humanis inest, ut pro ea dulcissimam vitæ vsuram, Marti & morti, in victimam litare non dubitent. Et hæc quidem divinitatis portio, Ethnicorum ignota superstitioni (nimirum quæ umbram duntaxat libertatis venerata est) cui magis lege Divinâ convenit? quàm Cætui Orthodoxo, à sacrationi Berecynthia, Ecclesiâ Catholicâ oriundo? Certè Christianos Herodas, liberos rerum Dominos, pridem suprema inauthoravit Maiestas, cùm primum Christianæ militiæ baltheum sumerent. Illorum hoc dulce decus & præsidium est, quos æquior

A

adama-

adamavit Iupiter. Verum heu duram factorum inclementiam! Gens Sancta, Populus electus, Christi Triumphatoris Commilitones, Milites Triarii, à vesanis, infestisq; Christiano nomini Nebulonibus, infestantur. Avernei Tyranni, servilia colla subijcientes jugo latrones, ut suæ consortem servitutis faciant Orthodoxorum libertatem, assiduis tumultibus glomerantur. Nec sinè felici alea cessit impius conatus: tot Christianorum copiae jugula cruentis dextris porrigunt, & Viri viresque defunt, ad sumendas de impietate vindicias. Quare ne impunita maneat malevolorum audacia, neve libertas Fidelium tot iniurijs Tyrannorum lacerata, extremum patiatur detrimentum; Ostendā ego ad publicum Ecclesiæ militantis solamen, Divinissimam CATHARINAM Virginem & Martyrem, fortiolem Penthesyleā esse CHRISTIANÆ LIBERTATIS VINDICEM, & ad excutiendum servitutis jugum, quo multos captivos Avernus mancipat, illius subsidium opportunissimum. Vos tantum in blando libertatis Polonæ sinu enutritæ animæ, vos Reginae Alitum, liberè per spatiosam aëris regionem volantis Iovis armigeræ, generosi Pulli, pro libertate Christiana, à Sanctissima Heroide vindicata dicturo; liberam & liberalem, benevolentia & attentionis non negate aurem, supplex posco.

Vesana, quam primævum scelus induxit dominandi orexis, proscripta justissimis Cælestis Arcopagi Decretis, ob crimen Perduellionis & attentati ausu sacrilego imperij ambitio, hodie quoq; nefandis comitata sodalibus, sceptrum & purpuram, vel in ipsis innocentium cædibus, ac sanguine quæritat. AA. Nihil est jucundius scelere viventibus Tarquinijs; quam dum Gabiniorum capita, velut papaverum colla vel reseuerint, vel suæ subiecerint potestati. Impletas cruore humano foveas, exundantes sanguine canales, diductosque late, per Regna, & Vrbes, tabo insonti manantes rivos exclamare, Regium esse spectaculum, augustum & ingens, nulla quod rapiet dies triumpho auctoramentum extitisse, tortores Regnorum, non Imperatores teste Seneca, usque ad insaniam gloriati sunt. Nihil eis nocentius, quam innocentia; nullum maius & enormius scelus, quam intemperate justitia; nihil odiosius, quam amica Divis pietas: nihil damabilius, quam effrenem carnis licentiam, ne laxatis desideriorum habenis, animæ bellum inferat, certis continentia legibus circumscribere. Apud huiusmodi monstra coronata, & in Trabeis eminentia nequitia ostenta, sceleri nefando nomen est virtus, & fædissimis pulcherrimam animam, intaminatis fulgentem honoribus Regina, mancipare vitijs,

palma

palmare negotium est: Et hinc quanta malorum Ilias? quàm gravis tribulationum Æthna, Deo sacratis incubuit animis! Exceptâ internâ, quam quisque in Regno pectoris sui, amplissimam continet, dominatione; ad quam juxta leges à Plasmatore rogatas, ritè & liberè gubernandam, vix totus sufficit vitæ decursus. Acriùs vrget, vehementiùs instat, Imperantium libido, & ambitiosorum infanda audacia, vt animus ille, Cæli filius, terræ hospes, Civis vniversi, apprimè liber, eiuret fidem Deo datam, rumpat obedientiæ Sacramentum, neget gratitudinis homagium, Cælo rebellis, peccato subditus, Averno Tributarius existat. Miscentur severitati blandimenta, & quod gladius nequit, suavis illiciorum cicuta, & dulcorata fraudulentæ persuasivonis aconitâ, (prònefas) efficiunt. Zeloziore pro libertate Catones, minis adaçti, tormentis exterriti, suam Vticam quæsiêrunt. Feruntur edicta, promulgantur decreta, conduntur cruentæ leges, sedent sanguinei pro Tribunalibus Rhadamanti, & Manlianas ferunt sententias; vt Privilegium libertatis, quod Assertor noster Christus, suis victoriosissimis in manibus æternùm exaravit, letheis oblivionis mergatur in vndis, & memoria Christiani nominis oblitteretur. Heu nefastos dies! *Forum multitudine refertum, septa concursu omnis frequentia plena, & Circus ille, in quo maximam sui partem populus ostentat, plùs habet vitiorum, quàm hominum, plùs ferinæ rabiei, quàm clementie.* Inter istos, quos Toga vel Purpura in Cûruli sedentes ornat, nec vestigium virtutis est. Diversis stimulatì cupiditatibus, omnia perdita Christianis, ob levem voluptatem, prædamque cupiunt. *Ferarum iste Conuentus non hominum est, nisi quod illæ inter se placida sunt, morsuque similium abstinent, hi mutuâ laceratione sautiantur.* Verbo, vbique scelerum mancipia servile bellum instaurant. At inter omnes Sardos venales, contemptior servus in purpura MAXIMINVS, novû in Christiadûm genus Phalaridem exercuit. Non vnus eius crudelissimo Imperio, æneo cruciatus tauro, calorem Entheum Orthodoxæ amisit fidei, vel si illum servavit, certè vitam perdidit. Et quidem jam se triumphâsse ratus erat Tyrannus, & Christianorum colla, suo subiecta calcaneo jactabat; cùm Christiana Penthesylea, Cælestis Herois CATHARINA nullis satis celebranda elogijs Virago, VINDEXT CHRISTIANÆ LIBERTATIS, primò Angelicam Suadam in ore, Gratias omnes in vultu complexa, talibus in Tyrannum irruit dictis: Quousque tandem effrenatâ temet jactabis audaciâ? quousque tam dirus tuus homines & Divos

eludet furor? quousque abutere patientiâ innocentissimæ gentis Christianæ, tot iniurijs affectæ? Nihil ne te terrent punitorum Tyrannorum funestissima exempla? raptorum ad Avernaeos lacus execrandi manes & Niobæi eiulatus? Patere tua nefanda consilia non sentis? invictam vesaniæ tuæ malignitatem arbitraris? impunita tot scelera, commotam novam contra Superos Phlægram, temeritatis Author & Ductor, non vnâ Æthnâ obruendam non censes? Metire vires tuas, Cælo ne oppugnando pares sunt? Novus in Iovem, non fictitium, sed vivum & verum omnium Divorum Authorem & Imperatorem, cuncta Divino nutu, & æternis providentiæ legibus gubernantem, consurgis Tytius, eumque laceassis bellua? vt iracunda in scelestissimum caput tuum jaciat fulmina? Tuos Polytheos, noxarum, & mendaciorum satores, vasa colligere angusta, & fruges consumere natos, falsitatum Propolas, imprudens & impudens auscultas? Fatuos ignes impijssimi consilij sequeris, obesissimæ naris homo, vt mox in avia & abyssos æterni exitij detrudendus, stultitiæ luas pœnam. *O quàm precipiti mersa profundo mens hæret!* quàm impium negotium deplorando fine terminandum attentas! Christianam libertatem divinis munitam legibus, servus vitiorum aggredieris? Nomen Augustum, Sanctum & Venerabile CHRISTI ASSERTORIS nostri, exterminare impie Mezentii contēdis? Verum age vt lubet; frænos liberis Christianorum animis non iniicies. Catenati, & squallidissimis inclusi ergastulis invicti Heroës, ocyus in cælesti Capitolio, triumphales figunt plantas. Intra compedes liberum animum gerunt, nulli furia cedentes, ac instar Marpesiæ cautis, stant immobiles, & infracti. Obliguit ad tam liberas voces MAXIMINVS; mox maximas minas, & omnes ciet furias, in VINDICEM libertatis CATHARINAM. Verum quemadmodum quassata sævientis Pelagi, debacchantibus procellis rupes, nihil de sua firmitate amittit, imò tempestuosi Nerei, immota eludit iras: vt suis viribus auctus Vulcanus, Æoli flatibus maiora excitat incendia:

Ut Leo, qui dudum placido mansuenerat usu;

Si quis cum jaculis, vel nudo cominus ense

Præditus, irritet generosi pectoris iram;

Dissimulat reprimique diu. ---

Sic invictus VINDICIS & Asserricis nostræ, animus se ipso maior, furibundis maligni Cæsaris dictis, atque diris, minimâ sui parte motus, libertatem Christianam, fortius propugnat. Imò magis cæleste ingenium hâc adversitatis cote acuitur, *magisque sese parat accendere virtus*, vt
blas-

blasphemiarum Satyras, veritatis Orthodoxæ oraculis convincat. Porro, excors Tyrannus, frustra in Viraginem minarum jacula torquens, & luminibus, Gorgoneo angue sævius micantibus, intrepidam VINDICEM minimè terrens, blandis assentationum, & pollicitationum armis (qualibus imbellis sexus devinci solet) invictam eius mentem adoritur. *Hem quid agis atavis edita Regibus* HEROIS! Ergone avita decora & augustas Maiorum ceras, pro vili Christianorum forte commutabis? Vultus tui Maiestatem, & caput non vna Pallade factum, gentilitia exambiunt diademata. Patritius Honor, vltro Purpuram & Sceptra porrigit, si Iovem Deorum Regem colueris. Te mille cum choris Nympharum, in Regalibus thalamis, avida præstolatione Cytherea expectat. Pone spem humilem Christianorum, & incertam proculca felicitatem: Præsentia gaudia, vltro sese offerentia, & arridentem fortunam amplectere. Quod si Tibi ex folio, hæc aurea edicta minimè videntur solida, Sophorum oracula, quos amicos Deorum esse noveris, si prudens es (qualem te esse coram iactas) ausculta. Hæc Te inanibus elusam præstigijs, meritò enuntiant, quia vna imbellis & imbecillis, contra tot Numinum Myriades bella movere contendis. Quis furor Te nimiùm audacem fecit? vt nec summum Imperium Iovis, nec austeritatem Saturni, nec fortitudinem Martis, nec potentiam Iunonis, nec Caduceum Mercurij, nec sapientiam Apollinis, nec vires Herculis, nec aliorum Deorum (quorum triginta millia nostra recenset religio) metuas potestatem. Tunc sola horum aspernaberis dominatum? quibus Imperatores, Reges, populi que potentes, colla subijciunt. Meliora si sapis, animo, prehende, si Imperialibus Nuptijs, quæ Te mox manent, potiri, vitamq; longâ felicitate beatam, ducere anhelas. Sed ornatam hanc Scyllam & exitiales cautes, bene cavere edocta CATHARINA, tū demùm se VINDICEM Christianæ libertatis monstravit; cū ostentatos mendaciorum fucos, & ipsâ vanitate vaniora illicia, quæ Cælestium inanes animas mancipant, liberrimâ voce falsitatis convicerit. Hic jam vesanior factus MAXIMINVS, quibus armis VINDICEM libertatis Christianæ aggreditur CATHARINAM? diligentius attendamus. Cū ostentatæ voluptatum blanditiæ, Regalis Hymenæi tædæ, & aurum per medios suetum ire satellites, ac potentissimos quosque devincere, minimè à proposito invictissimam Amazonem Christianam deterruissent; cruciatuum in eam torquet fulmina. Ipse alligandus rotæ infernali Ixion, rotam exitialem, & omnigenæ crudelitatis instrumentis horrendam, parari jubet;

bet; vt vel sic inuictæ Heroidis, zelantem pro libertate Christiana
invertere possit animum. Sed vindex immunitatis Christianæ CA-
THARINA Cælo peritas suppetias præsto habet. Exurit fulmine
crudelitatis instrumentum, vt intelligat Tyrannus, ipsum æthera pro
libertatis VINDICE CATHARINA pugnare. *Ille nempe*
militat æther, & coniuurati veniunt ad Classica venti. Et certè sæ-
vior Harpyis & Hircanis tigridibus Imperator, consilij inops, nul-
lum modum reperit, quo liberum CATHARINÆ animum devincat.
convocatis Philosophantium carervis, frustra veritati oggannienti-
bus, tenacem propositi CATHARINAM videns, ringitur animo totus,
& sævâ Erynni correptus, ferrum vibrat acutum, vt decollata DIVINIS-
SIMA HEROIS, collum servituti subijciat. Sed nihil profecit scelesti
malignitas, felicius tunc libertas Christiana, in Assertrice sua CATHA-
RINA triumphavit, cùm & ipsi, paulò ante illius oppugnatores, mox
Assertores Sophi, magnificam triumphi auxerint Maiestatem. Quid
multis? terrarum Carceres indocilis pati CATHARINA, limitibus, &
cancellis arctari impotens, puriore sui parte Cælum petit, Augustum li-
bertatis Asylum & Regnum: Corpore, quod liber, & ingens inhabita-
verat anima, per Cælestes Genios in montem delato, monstravit Ty-
ranno evidenter, potius terram suis è cardinibus moveri posse, quàm
libertatem Christianam convelli & jugis servitij coarctari.

Inuictissima HEROIS CATHARINA VIRGO, quis Te iam VIN-
DICEM esse Christianæ Libertatis inficias iverit? cùm Crytallo purior,
nullius vitij jugum subieris, impuritatis Lernam triumphaveris; Cùm sa-
pientiam, veræ libertatis genitricem, ingenio humanas vires excedente,
colveris, & quod rei cardo est, VINDICEM Te Ordines Cælestium, Ter-
restriumque Hierarchiarum triumphales Pæanes, meritò buccinât, quæ Soli
Assertori generis humani Christo, animo jugata, integritatem Orthodo-
xam, vitâ & sanguine vindicaveris. Quare cùm iam pro libertate Chri-
stiana gloriosius quàm olim Curtij vel Horatij pro Vrbe Quirina, Codri
pro Cecropijs Athenis Hecatomben Te Cælo obtuleris: cùm proculcatis
Averni aulis, & in Christianum Nomen coniuratis Ethnicorum furij,
æternum in Cælestibus Arcibus triumphū agas, adesto & nostris supplicibus
votis: vt Serenissimus & Inuictissimus Lechiadum Alcides, AVGVSTVS
SECVNDVS, qui contra Tauricam Libertatis nostræ jura vindicaturus,
victoriosum exerit animum, Gentilitijs Mucronibus, laureas metat trium-
phales. Vt Magni AVGVSTINI TRIARI, in Ecclesia militante, innu-
meris victorijs, ac triumphis celeberrimi, hîc sub Tuis auspicijs bellige-
rantes, novis Charismatum Cælestium cumulentur stipendijs. Omnes
denique qui contra Tyrannidem vitiorum, & serviles pravorum af-
fectuum copias, in Sapientiæ Olympijs bella gerimus, vt Tuo
interventu & præsidio victores effecti, in æternam asse-
ramur LIBERTATEM

D I X I.



30. II. 47

